

Poštovani čitaoci,

U sezoni godišnjih odmora upoznajte se sa aktuelnostima na našem Programu kroz osmo izdanje biltena "Zajedno možemo bolje!". U ljetnom izdanju možete se informisati o realizovanim aktivnostima tokom 2022. godine.

Ove godine objavljen je i Treći javni poziv za podnošenje prijedloga projekata. Poziv je objavljen 9. marta, a rok za podnošenje prijedloga projekata bio je 7. jun. Ovim pozivom zatvara se ciklus finansiranja prekograničnih projekata u okviru IPA finansijske



perspektive 2014-2020. Ovo je bila posljednja prilika da se u okviru IPA budžeta 2014-2020 podrže zajedničke inicijative dvije države na regionalnom i lokalnom nivou i time doprinesu postizanju ciljeva i promociji zajedničkih prekograničnih ideja zbog čega je Program prvobitno i nastao.



U cilju promocije Trećeg poziva održana je konferencija 18. marta 2022. godine u Banji Koviljači. Kroz hibridni format konferencije omogućeno je da se široj javnosti, kroz direktno praćenje, predstavi kako Program, tako i projekti, koji se sprovode u okviru Drugog poziva.

Nakon toga uslijedili su virtuelni događaji. Prva Informativna sesija i Forum za traženje partnera održani su istog dana, 21. marta


2022. godine, a druga Informativna sesija realizovana je 4. aprila 2022. godine. Ovo je bila prilika da se potencijalni aplikanti upoznaju sa pravilima Poziva i aplikacionim paketom.

Virtuelnim radionicama je prisustvovalo 200 predstavnika nacionalnih i lokalnih institucija, razvojnih agencija i nevladinih organizacija. Svi zainteresovani imali su priliku da dobiju odgovore na pitanja i učestvuju aktivno u diskusiji.

U prvoj polovini godine usvojena je odluka o finansiranju Programa, koja čini višegodišnji program rada za period 2021-2027.




Višegodišnji Program ima za cilj promovisanje dobrosusjedskih odnosa, unaprjeđenje društveno-ekonomskog razvoja prekograničnog područja Programa kroz društveno i ekonomsko uključivanje određenih grupa, posebno mladih, i konkurentnost turizma.



Prioriteti odabrani za finansiranje u Programu su mladi, obrazovanje i vještine, kao i podsticanje turizma i kulturnog i prirodnog naslijeđa. Maksimalni doprinos Evropske unije za sprovođenje Programa je 14 000 000 eura.

Trenutno se u okviru našeg Programa sprovodi 13 projekata koji se bave unaprjeđenjem održivog planiranja u oblasti životne sredine i podsticanjem biodiverziteta, unaprjeđenjem zapošljivosti radne snage i povećanjem mogućnosti zapošljavanja, kao i unaprjeđenjem sistema upravljanja za intervencije u vanrednim situacijama. Naš tim je tokom 2022. godine pružao punu podršku korisnicima koji implementiraju projekte u okviru Drugog poziva. Uspješno smo obavili monitoring pojsete svih projekata.



Onlajn radionica za implementaciju dodijeljenih projekata u okviru Drugog poziva je 14. juna 2022. U cilju podrške projektnim partnerima u implementaciji projekta, radionicu su organizovali Ministarstvo finansija Republike Srbije, Sektor za ugovaranje i finansiranje projekata finansiranih od strane EU (CFCU), uz pomoć Zajedničkog tehničkog sekretarijata Programa. Radionici je prisustvovalo 70 učesnika. Ovaj događaj predstavljao je odličnu priliku za pitanja i direktne odgovore.

Postignuti rezultati u prvoj polovini godine čine nas sigurnim da ćemo i ubuduće ispunjavati postavljene ciljeve i uspješno sprovoditi ovaj Program!

Zajedničke ideje za bolju budućnost!



Požarna sezona u pograničnom prostoru Tare i Rogatice dočeka spremnije

U proteklom period tehnički kapaciteti opštine Rogatica i Nacionalnog parka Tara dodatno su unaprijeđeni nabavkom vatrogasne opreme. Dobijanjem vatrogasne opreme značajno su modernizovane institucije sa naprtnjačama, vatrogasnim crijevima i ostalom opremom za gašenje šumskih požara. Time je znatno unaprijeđena efikasnost u reagovanju prilikom gašenja šumskih požara. U toku je i nabavka vatrogasnih vozila za gašenje požara čime će se poboljšati stepen intervencije u pograničnom području.

Tokom radionice dobrovoljnih vatrogasnih društava „razmjena dobre prakse“ zaključeno je da u Srbiji ima mali broj operativnih dobrovoljnih vatrogasaca. Kako gašenje šumskih požara zahtijeva angažovanje znatnih ljudskih i materijalnih resursa, jako je bitno uključivanje dobrovoljnih vatrogasaca kao i jačanje i podizanje njihovih kapaciteta. Naročito su opasni simultani šumski požari uz pojavu šumskih požara na više lokacija. U takvim okolnostima profesionalne vatrogasne jedinice ne mogu u potpunosti da odgovore izazovima koje ovakvi požari donose.



Marko Tomić, koordinator projekta ističe posebno zadovoljstvo u primjeni magnetnih karata: *“Magnetne kartek koje su već u funkciji su se pokazale jako operativnim i mogu se koristiti u mnogim drugim aktivnostima koje nisu vezane samo za šumske požare. Mislimo da će ovakve*

karte i drugi subjekti na zaštiti ne samo od požara nego i drugih rizika u bliskoj budućnosti imati u svojim organizacijama.”

Uspješno je realizovana izrada dokumenta „Procjena rizika od šumskih požara za Nacionalni park Tara“, a projektni tim sa zadovoljstvom ističe da su jedini subjekat na zaštiti od požara koji ima dokument gdje je primjenjena GIS tehnologija u izradi potencijalnih scenarija šumskih požara u Nacionalnom parku Tara. Za svaki potencijalni scenario utvrđene su moguće direktne štete, vjerovatnoća rizika i posljedice šumskih požara. Procjena rizika je sada odlična osnova za izradu Operativno taktičkog plana zaštite od šumskog požara jer su definisani svi mogući rizici, tj. utvrđena karta



gorivog materijala, putna mreža sa hidrantima, potencijalne opasnosti od prolječnih požara, rizik od suhe grmljavine, scenario šumskog požara sa najgorim posljedicama. Pomenutu procjenu koristiće i profesionalna vatrogasna jedinica u Bajinoj Bašti kroz GIS aplikaciju.

Zajedničke ideje za bolju budućnost!

“Premoščavanje”

Uređenje i opremanje Centra za prekvalifikaciju, nezaposlenih i edukaciju radnika u turizmu bila je jedna od prvih realizovanih aktivnosti ove godine u okviru projekata “Premoščavanje”. Pored toga, nabavljena oprema za Ekonomsku školu u Užicu, koristiće se za inovativni program edukacije odraslih.



Pored toga, u Sarajevu je uspješno završena petodnevna obuka za mentore u kompanijama. Edukacija je omogućila mentorima da steknu nova znanja i vještina i pripremi ih za budući rad sa polaznicima obuke za sljedeća ugostiteljska zanimanja: konobar/somelijer, kuhar, spremačica/sobarica, recepcioner i animator u turizmu koja će se provoditi u narednim danima. Tokom juna 35 nezaposlenih osoba iz Kantona Sarajevo pohađao je obuku za pomenuta ugostiteljska zanimanja. Obuka u trajanju od preko 100 časova se sastojala od teorijskog dijela, koji se realizovao u Centru za edukaciju Privredne komore Kantona Sarajevo, dok se praktična obuka sprovela u hotelskim objektima. Uskoro se očekuje i početak obuke za animatore u turizmu.



Tokom maja mjeseca održana je promocija atraktivnih zanimanja vezanih za turističku privredu u Užicu. Promotivne aktivnosti realizovane su sa ciljem da se učenici osnovnih i srednjih škola, njihovi roditelji i nastavnici upoznaju sa mogućnostima na tržištu rada. Promocija je realizovana u vidu deset prezentacija, a odnosila se na obrazovne smjerove: kuhar, konobar, somelijer, animator u turizmu, poslastičar ili turistički tehničar.

Maj je bio rezervisan i za motivacione razgovore i sastanke sa nezaposlenim ženama sa evidencije Nacionalne službe za zapošljavanje filijala Užice. Cilj sastanaka bio je da se žene iz teško zapošljive kategorije informišu i motivišu kako bi se uključile u program dokvalifikacije i prekvalifikacije koji se realizuje u okviru projekta.

Kompanije iz sektora drvne, prehrambene i metaloprerađivačke industrije dobile su priliku da unaprijede svoje poslovanje, izvozne i inovacione kapacitete kroz projekat "Enhance"

U maju 2022. godine, održana je projektna akademija u Goraždu i na Zlatiboru za više od 80 predstavnika malih i srednjih preduzeća, institucija i nevladinih organizacija. Riječ je o edukaciji za pisanje projekata koja je imala za cilj da učesnicima pruži osnovna znanja o projektnom planiranju i procesu izrade projektnih prijedloga. Ovom edukacijom kompanije dobijaju mogućnost lakšeg konkurisanja na razne fondove.

"Ovo je velika stvar jer edukaciju koja ide u korak s vremenom moramo i mi pratiti i biti bliži evropskim i drugim fondovima i tom načinu pisanju projekata. Ja se ovim ljudima samo mogu zahvaliti što sam dio njihovog plana i što me pozivaju. Danas sam čak ovdje doveo i kćerku koja planira da nastavi mojim stopama, da se krene educirati i mislim da je ovo odlična stvar u ovim teškim vremenima jer u pisanju projekata mi smo pioniri", navodi Haris Vučinić, direktor firme Sigma Plast Goražde.



Projektom su izrađena dva dokumenta "Analiza tržišne inteligencije, inovacija i sposobnosti komercijalizacije prekograničnih malih i srednjih preduzeća" i "Regionalni status inovacija i prioriteta industrije", koja pružaju odličnu podršku kompanijama za budući rad. [Dokumenta su dostupna u online formatu \(kfbih.com\)](http://kfbih.com)



"Zadovoljstvo nam je da postoji interes za poboljšavanjem inovativnosti privrede Bosne i Hercegovine i susjedne Srbije. Ono što je evidentno jeste da u odnosu na razvijene zemlje svijeta, imamo nizak stepen investicija u znanje i inovacije. Zbog toga su ovakvi projekti i uključene aktivnosti izuzetno važni, kako bi se razmijenila iskustva i predstavile najbolje prakse", navodi Almin Mališević, direktor projekta ENHANCE.



Modernizovan trening centar u Šapcu

Osnivanje radionice za obuku bravara-zavarivača kao i radionice za upravljanje viljuškarom u okviru Trening centra Šabac svojevrsna je podrška zapošljavanju i povećanju mogućnosti zapošljavanja na teritoriji Mačvanskog okruga.



O doprinosu projekta govori Nemanja Pajić, projekt menadžer i predsjednik Skupštine grada Šapca: *"Samim osnivanjem, ali i dosadašnjim radom lokalnog partnerstva za zapošljavanje i projekata razvoja trening centra u Šapcu, koji svojom ponudom različitih akreditovanih treninga za unapređenje znanja i vještina nezaposlenim licima odgovora na potrebe tržišta rada Grad Šabac nastoji da uskladi potrebe poslodavaca i nezaposlenih lica."*



Kroz projekat „3E“, Grad Visoko je osnovao Privredni savjet kome je jedan od zadataka da se na lokalnom nivou brine o situaciji na tržištu rada. Pored toga, izrađen je Lokalni akcioni plan zapošljavanja Grada Visoko i donijete su mjere za sprovođenje lokalne politike zapošljavanja do 2024. godine.

"Sa Mješovitom srednjom školom u Visokom uspostavili smo novi nivo suradnje i dogovorili da se u samoj školi uspostavi trening jedinica te da se profesori iz srednje škole osposobe za rad na novoj opremi te da provode aktivnosti obuke odraslih na 3D štampaču, CNC simulatorima te na različitim tipovima zavarivača koji treba da budu nabavljeni za navedenu trening jedinicu. Iz tog razloga naš tim trenera prošao je obuku za trenere zajedno sa trenerima iz Grada Šapca," istakla je Azra Husić, projekt koordinatorka Grada Visoko.

Zajedničke ideje za bolju budućnost!



Funkcionisanje Gorskih službi spašavanja unaprjeđuje se realizacijom projektnih aktivnosti

Spasioci GSS-a kao i članovi planinarskog kluba Tara prošli su nekoliko različitih obuka. Na Bjelašnici je održan prvi trening usavršavanja tehnike alpskog skijanja, a zatim i drugi trening usavršavanja tehnika skijanja, turno skijanje, kao i obuka pasa za pronalaženje ljudi ispod lavina. Obuku je ukupno prošlo 50 spasilaca i članova planinarskog kluba "Tara", u ukupnom trajanju od 14 dana. Većina su bili novi spasioci, koji još nisu usavršili tehnike skijanja, ali i stariji članovi, koje su par godina bili neaktivni, a sada se ponovo aktiviraju u službi.



Projektom je izvršeno istraživanje pravnih akata, nakon čega je izrađen i dokument "Analiza pravnog okvira za upravljanje katastrofama i vanrednim situacijama i uspostavljanje saradnje lokalnih samouprava pograničnog područja Srbije i Bosne i Hercegovine". Realizovano je i istraživanje stavova građana o prevenciji, spremnosti i reagovanju u katastrofama, na osnovu kojeg će se sprovesti kampanja o podizanju svijesti stanovništva, kroz projektne aktivnosti.

Funkcionisanje GSS biće znatno olakšano zahvaljujući opremi koja je nabavljena kroz projekat.

GSS Srbije nabavila je motorne sanke, kvad vozilo, prikolicu za povrijeđene kao i dio medicinske opreme.

GSS Sarajevo nabavila je kancelarijski mobilijar za seminare i predavanja, i opremila salu sa vještačkom stijenom, platformom za simulaciju helikopterskog spašavanja kao i dio individualne tehničke opreme (pojasevi, kacige, užad). Opremanjem trening centra stekli su se uslovi za kvalitetniji rad, vježbe i edukaciju.

Kroz projekat je opremljen i Planinarski dom u Rastištu, čime su uslovi za boravak spasilaca u ovom dijelu Tare podignuti na značajno viši nivo.

Zajedničke ideje za bolju budućnost!



Opštine nula otpada

Niska svijest o prednostima i važnosti prevencije, ponovne upotrebe i recikliranja otpada jedan je od najvećih problema sa kojima se suočavaju Srbija i Bosna i Hercegovina.

Udruženi zajedničkom voljom i entuzijazmom za zaštitu životne sredine, Centar za energiju, životnu sredinu i resurse – CENER 21 iz BiH i Inženjeri zaštite životne sredine iz Srbije, posvećeni su obezbjeđivanju dugoročne efikasnosti resursa u sektoru upravljanja otpadom u ove dvije zemlje. Tim nastoji da doprinese jačanju ekonomskog razvoja u šest pilot opština: Bajina Bašta, Vladimirci, Krupanj, Visoko, Ilijaš i Sarajevo Centar, kroz uvođenje koncepta nula otpada. Pošto ovaj princip zahtijeva promjenu mentaliteta i stava građana prema problemu, tim hrabro počinje sa izgradnjom kapaciteta zainteresovanih strana i podizanjem javne svijesti. Do danas je obučeno blizu 300 predstavnika komunalnih preduzeća za upravljanje otpadom, lokalnih samouprava, operatera sistema, sakupljača otpada, društvenih preduzeća, nevladinih organizacija, zelenih preduzetnika i akademske zajednice u prekograničnom regionu. Polaznici obuke su upoznati sa tehničkim dijelom strategija za postizanje nultog otpada na lokalnom nivou,



kroz primjere najboljih dostupnih praksi i provjerenih tehnologija na terenu. Pored toga, naučili su koje su strategije najbolje za podršku poslovnih modela zasnovanih na principima nula otpada, kako primijeniti ekonomske podsticaje i koje metode komunikacije koristiti za uključivanje lokalne zajednice u proces tranzicije na nulti otpad. Ove aktivnosti su imale za cilj pokretanje dijaloga i promovisanje dobrih praksi upravljanja otpadom koje su neophodne u procesu prelaska sa linearnog na kružni koncept upravljanja otpadom.

„Trenutni kapaciteti za odvojeno sakupljanje otpada su nedovoljni i iznose samo oko 5% potrebne infrastrukture. Da bi se dostigao zadovoljavajući nivo, potrebno je obezbijediti ulaganje u infrastrukturu kao i u edukaciju građana o pravilnom upravljanju otpadom. Ovaj projekat će svakako biti od pomoći u unaprjeđenju sistema odvojenog prikupljanja otpada i pridonijeti realizaciji naših strateških ciljeva vezanih za smanjenje otpada u Kantonu Sarajevo” – naglasio je Adnan Šaćirović, predstavnik komunalnog preduzeća za upravljanje otpadom KJKP Rad iz Bosne i Hercegovine.

Koncept je još uvijek u ranoj fazi u obje zemlje, ali tim snažno vjeruje u njegov potencijal da se dalje razvija. Kroz IPA napore prekogranične saradnje, opštine su dostavile dva ključna dokumenta kako bi podstakli lokalne aktere da smanje otpad i koriste resurse na racionalniji način: Smjernice o konceptu nultog otpada u opštinama i Smjernice o praćenju i izvještavanju o komunalnom otpadu.



Za pilot opštine Ilijaš, Visoko, Sarajevo Centar, Vladimirci, Krupanj i Bajina Bašta pripremljeni su akcioni planovi sa ciljem uspostavljanja konkretnog plana aktivnosti i strateške vizije za smanjenje otpada na lokalnom nivou, prateći principe nula otpada i cirkularne ekonomije. Tako će šest pilot opština poslužiti kao primjer dobre prakse pokazujući prednosti uvođenja koncepta nula otpada, koji je već zaživio u zemljama Evropske unije. Rezultati sprovedenih promjena biće predstavljani široj javnosti i zainteresovanim stranama u sektoru.

„Problemi sa kojima se najčešće susrećem i koje smatram jednim od najznačajnijih su svakako izazovi u komunikaciji relevantnih institucija, javnih preduzeća i donosilaca odluka sa građanima i organizacijama civilnog društva. Mislim da smo izgubili kulturu dijaloga i učešća javnosti u procesu donošenja odluka koja je direktno povezana sa kvalitetom naših života. Kada se lokalna zajednica osnaži, ona može poslužiti kao model po kome se mogu organizovati druge lokalne zajednice. Posebno bih istakla prekogranični značaj ovog projekta, koji dodatno povezuje stanovnike susjednih zemalja u borbi za čistiju i zdraviju budućnost“ istakla je Milica Lukić, ekološka aktivistkinja, predstavnik NVO sektora i članica Međunarodnog udruženja za urbanu klimu.

2014-2020
Opštine bez otpada, zdrave i održive

CIRKULARNA EKONOMIJA

- U središtu modela pojavljuje se korisnik usluga – fokus je na pružanju usluga
- Naglasak je na proizvodnji trajnih i dugovječnih proizvoda u čijoj proizvodnji se koriste obnovljivi izvori energije i prirodni materijali
- U osnovi je višekratno korištenje proizvoda produživanjem životnog vijeka (popravka, ponovno korištenje, prerada, reciklaža)
- Model se temelji na izbjegavanju nastanka otpada i kružnom toku materijala koji se konstantno vraća u proizvodni proces.

Projekat kofinansira
Evropska unija

www.opstinesanulaotpada.com

OPŠTINE SA NULA OTPADA

Trenutno se pripremaju vannastavne aktivnosti za šest pilot srednjih škola, sa ciljem edukacije učenika i njihovih nastavnika o konceptu cirkularne ekonomije u kojoj su reciklaža i ponovna upotreba prepoznati kao nova poslovna prilika. Svaka škola će dobiti vrijednu opremu za reciklažu plastike za praktičnu primjenu stečenog znanja o cirkularnoj ekonomiji. Projektne aktivnosti će u narednom periodu biti usmjerene na konkretna rješenja za unaprjeđenje sistema upravljanja otpadom kroz nabavku i distribuciju adekvatne opreme i GIS mapiranje nelegalnih deponije i čišćenje deponija.

Zajedničke ideje za bolju budućnost!



E-učenje i jačanje perspektive zapošljavanja u sektoru sporta sa invaliditetom – STEPIn

Postavljanje STEPIn platformi i organizovanje dvije online edukativne sesije obilježile su prvu polovinu ove godine. Sesije na obje platforme obuhvatale su različite teme kao što su liderstvo i timski rad u sektoru sporta osoba sa invaliditetom, sportski trening i ishrana, komunikacija i marketing, organizacija sportskih događaja za osobe sa invaliditetom, principi klasifikacije paraolimpijskog sporta, zdravstvene beneficije i dobre prakse.

STEPIn online edukacija je zatvorena 01.06.2022. pošto su praktične sesije počele i traju do sredine juna u Sarajevu i u Rumi. Praktične sesije su otvorene za učešće, ali je akcenat stavljen na one koji su učestvovali u online edukaciji, kako bi stečeno znanje okom STEPIn online obuke mogli praktično da primjene.



Omar Emrić, jedan od učesnika online STEPIn edukacije i izabrani kandidat za STEPIn Job shadowing, iznio je svoje utiske: „Zaista sam uživao u online sesijama, kao i u prilici da pratim sesije na obje STEPIn platforme. Uspio sam da upoznam mnoge učesnike iz Srbije i da naučim kako sport za osobe sa invaliditetom izgleda u Srbiji. Zahvalan sam što sam izabran da učestvujem u aktivnostima Job shadowing-a u Rumi, a sada ću i u praksi moći da vidim kako sportski stručnjaci rade sa osobama sa invaliditetom u Rumi“. Job shadowing aktivnosti održane su u drugoj polovini juna, a četiri najbolja učesnika imala su priliku da posjete sportske klubove koji rade sa parasportistima u Sarajevu i Rumi. Akcenat je stavljen na parasportove koji su najuspješniji u Srbiji i BiH.

„U ime STEPIn projektnog tima, koji je marljivo radio na finalizaciji aktivnosti STEPIn projekta, veoma smo zadovoljni pozitivnim povratnim informacijama koje smo dobili od naših STEPIn online edukacija. Raduju se što je organizovana ovakva edukacija, a posebno što se tiče video materijala koji su dostavili stručnjaci iz oblasti sporta za osobe sa invaliditetom. Projekat je svakako uticao na podizanje svijesti o potrebama sektora invalidskog sporta, a stečena znanja i vještine će pomoći u razvoju prijeko potrebnih ljudskih resursa“ rekla je Aela Ajdinović, menadžer projekta STEPIn.

Zajedničke ideje za bolju budućnost!



Prikupljeno - usitnjeno - spašeno!

Novi sistem upravljanja kabastim otpadom uspostavljen je na 40 lokacija na teritoriji Užica i Tuzle. Kabasti otpad se uveliko preuzima i iz seoskih mjesnih zajednica, čime je pokrivena cjelokupna teritorija dva grada. Trenutno ostvareni rezultati mjere se stotinama tona prikupljenog i tretiranog kabastog otpada, koji u konačnici nije završio na tijelu deponija, čime se, u velikoj mjeri, doprinosi produžetku njihovog vijeka trajanja. Prikupljeni kabasti otpad se, po dolasku na reciklažna dvorišta, sekundarno razdvaja po sirovinskom sastavu, zatim sitni u specijalnim mašinama koje su nabavljene kroz BWL projekat, te naposljetku usmjerava u dalje



tokove upravljanja otpadom: na tržište reciklaže, na spaljivanje u cementnu industriju, na sanitarno deponovanje.

“Ovakav način funkcionisanja sistema treba da dovede do potpunog napuštanja starih navika i načina odlaganja kabastog otpada – pored puteva, u prirodi, pored komunalnih kontejnera i sl. Nadamo se da nećemo dugo čekati da u potpunosti nestanu nemile slike kabastog otpada svuda u okruženju” riječi su Momira Milovanovića, direktora preduzeća RCUO Duboko.

“Mobilne drobilice koje smo nabavili kroz projekat, u potpunosti ispunjavaju naše tehničko-logističke potrebe i vrlo smo zadovoljni što smo uspjeli da ih nabavimo u pravom trenutku – prije skoka cijena na tržištu i otežanih uslova isporuke

i transporta. Već sada uočavamo potrebu za nabavkom dodatnih mašina ovog tipa, jer smo vidjeli njihove pune mogućnosti i shvatili koliko su potrebne komunalnim preduzećima koja upravljaju otpadom, kakva su JKP Duboko i JKP Komunalac.”

BWL projekat nastoji da izvrši sistemsku promjenu u oblasti upravljanja kabastim otpadom. Međutim, neophodan je paralelni rad na podizanju kapaciteta donosilaca odluka i resornih službi u ovoj oblasti. Do sada je sprovedeno 13 tematskih radionica sa preko 280 učesnika u oba grada, sa namjerom dodatnog edukovanja i međusobnog informisanja, koje treba da rezultira definisanjem održivih javnih politika u oblasti upravljanja ovom vrstom otpada, na lokalnom nivou.

Mirela Uljić, pomoćnica gradonačelnika Tuzle, istakla je da je novi način upravljanja kabastim otpadom bio predviđen u Planu upravljanja otpadom za Grad Tuzlu, ali je do njegove realizacije došlo tek u okviru BWL projekta.

Da bi novouspostavljeni sistem bio održiv aktivno učešće stanovništva je imperativ na kome je intenzivno rađeno prethodnih pola godine. U tu svrhu organizovano je preko 40 javnih skupova sa približno 700 učesnika i na tome se neće stati. Preostalih 3 mjeseca projekta nastaviće se sa intenzivnim informisanjem korisnika sistema.

Naila Mrkaljević, sekretar MZ “Stari Grad” Tuzla, istakla je: *„Novi sistem prikupljanja i odvoza kabastog otpada u gradskoj zoni je od strane građana odlično prihvaćen. Do realizacije BWL projekta, ovaj otpad se odvozio dva puta, a sada se odvozi 12 puta godišnje. Rezultat toga je da nema više gomilanja toga otpada pored kontejnera, u stubištima zgrada ili njegovog bacanja u rijeke Solinu i Jalu i na javne površine. Prema sakupljenim količinama, koje se povećavaju svakog mjeseca, primjećuje se veliki napredak, jer građani polako ali sigurno mijenjaju svijest i odnos prema svojoj okolini“.*

Za prethodnih 7 mjeseci primjene novouspostavljenih sistema, narandžasti kontejneri već su postali prepoznatljiv signal i poziv stanovništvu dva grada za odlaganje kabastog otpada, u određenim terminima i na određenim lokacijama. Ostaje nada i očekivanje da će sistemi uspostavljeni kroz BWL projekat, obezbijediti svoju održivost u dva grada, u vremenu koje dolazi.



Zajedničke ideje za bolju budućnost!

Poboljšanje položaja mladih u oblasti zapošljavanja

Projekat „Sistem“ ima za cilj da poveća mogućnost zapošljavanja mladih kroz jačanje kapaciteta i poboljšanu saradnju između lokalnih zajednica i novih preduzeća. Za postizanje ovog cilja uspostavljen je mrežni mehanizam -

Lokalno partnerstvo za zapošljavanje BiH-Srbija, koji omogućava sinergiju djelovanja aktera iz javnog, vladinog, privatnog, nevladinog i obrazovnog sektora.

Partnerstvo za zapošljavanje okuplja 10 članica iz Bosne i Hercegovine i Srbije koje su u decembru 2021. godine potpisale Memorandum o razumijevanju.

Generalna sekretarka Krovne organizacije mladih Srbije, Miljana Pejić istakla je značaj memoranduma kao svojevrsnog sredstva za umrežavanje sa akterima koji se bave unaprjeđenjem samozapošljavanja i generalno zapošljivosti u Srbiji i Bosni i Hercegovini. Nezaposlenost je endemski problem, u čitavom regionu, zato je potrebno zajedničkim snagama raditi na poboljšanju položaja mladih u ovom aspektu, u tome se ogleda značaj ovog memoranduma.

U proteklom periodu raspisan je Javni poziv za učešće u Programu podrške samozapošljavanju, a koji je osmišljen na način da kroz edukativno-mentorske aktivnosti omogući dalji i brži razvoj poslovnih ideja. Učesnicima će biti osigurana podrška u jačanju ličnih preduzetničkih kapaciteta, razvoju modela i poslovnog plana za svoj poduhvat, tehničkoj implementaciji proizvoda i/ili usluga kao i prezentaciji poslovnih planova potencijalnim investitorima.





Upravljanje čvrstim otpadom i otpadnim vodama u pograničnom regionu

Jednogodišnjom implementacijom projekta „Unaprjeđenje kapaciteta javnih službi u oblasti upravljanja otpadom u prekograničnom regionu“ poboljšava se rad na upravljanju čvrstim otpadom i otpadnim vodama, a nadležne ekološke inspekcije su uz pomoć nove opreme i tehnologije unaprijedile nadzor i kontrolu objekata.



“Sasvim je sigurno da će rezultatima projekta biti ojačani kapaciteti nadležnih organa za zaštitu životne sredine, povećana efikasnost inspekcije zaštite životne sredine, poboljšani sistem monitoringa životne sredine i poboljšana saradnja sa ekološkim nevladinim organizacijama” – rekao je Nemanja Erceg v.d. pomoćnik pokrajinskog sekretara u Pokrajinskom sekretarijatu za urbanizam i zaštitu životne sredine kao i menadžer projekta. Posebno je istakao značaj saradnje sa projektnim partnerima koji predstavljaju institucije sistema upravljanja otpadom u programskom području

kao i nevladinim organizacijama čiji je doprinos veoma važan, jer saradnja sa njima doprinosi rješavanju ekoloških pitanja koja su u nadležnosti Sekretarijata i partnerskih organizacija.

Fokus projekta je na unaprjeđenju kapaciteta znanja javnih službi u oblasti upravljanja otpadom i otpadnim vodama kroz stručne seminare, razmjenu informacija na okruglim stolovima i radionicama i saradnju sa građanima i nevladinim organizacijama.

U svrhu unaprjeđenja kapaciteta rada javnih službi, a posebno ekoloških inspektora, u toku projekta nabavljena su terenska vozila i kompjuterska oprema za unaprjeđenje terenskog rada inspekcije, mobilna laboratorija za brzu detekciju zagađenja, kao i stacionarna laboratorija u Banjaluci.

U Novom Sadu je 20.01.2022. održan Ekspertski seminar za korišćenje nove laboratorijske opreme, na taj način su zaposleni u laboratorijama koje učestvuju u realizaciji projektnih aktivnosti obučeni za upravljanje novim tehnologijama i metodama kojima će se u budućnosti koristiti.

Ekspertski seminar u oblasti zaštite životne sredine održan je u Bijeljini 31.03.2022. Na seminaru su prezentovani ciljevi i regulativa EU u oblasti upravljanja otpadom i otpadnim vodama, principi cirkularne ekonomije, procena rizika i monitoring divljih deponija, kao i primeri pravilnog upravljanja otpadom i regionalnog sistema upravljanja otpadom.



U Sremskoj Mitrovici 24.05.2022. održan je Seminar za nevladine organizacije, javne službe i građane na kome je zainteresovanoj javnosti prezentovan projekat sa pregledom zakonodavnih odredbi iz oblasti upravljanja otpadom i otpadnim vodama, i način postupanja ekološke inspekcije.

Poseban značaj realizovanih projektnih događaja je to što su prisutni imali priliku da se upoznaju sa promotivnim videom a zatim sajtom, kao i mobilnom aplikacijom koju građani mogu koristiti prilikom prijavljivanja divljih deponija. Više o radu i načinu upotrebe ovih alata je govorio dr Nikola Maoduš koji je istakao da ovakav vid komunikacije treba da bude u službi građana kao i da olakša inspektorima rad na terenu prilikom vršenja nadzora. Napravljeni alati su funkcionalni, lako se koriste i podaci koji će se prikupljati na ovaj način će uveliko olakšati komunikaciju kako institucija tako i svih zainteresovanih udruženja i pojedinaca. Komunikacioni alati prikazuju, pored osnovnih informacija o projektu, partnerima i aktivnostima, mapu divljih deponija u programskom području uz mogućnost da građani prijavljuju nove divlje deponije koje nisu unijete u bazu i na taj način se pospješuju komunikaciju i saradnju sa ekološkim inspekcijama.

Zajedničke ideje za bolju budućnost!

Bilten broj 8, jul 2022.

O nama

IPA Program prekogranične saradnje Srbija-Bosna i Hercegovina 2014-2020 realizuje se u okviru Instrumenta prepristupne pomoći (IPA II).



Obje države zajedničkim snagama sprovode Program. Ministarstvo za evropske integracije Republike Srbije i Direkcija za evropske integracije Bosne i Hercegovine zaduženi su za koordinaciju Programa i nazivamo ih Operativne strukture. Ministarstvo finansija Republike Srbije, Odeljenje za ugovaranje i finansiranje Programa iz sredstava Evropske unije (CFCU) odgovorno je za sve ugovore kao Ugovorno tijelo (CA). Program se sprovodi uz pomoć Zajedničkog tehničkog sekretarijata (JTS).

Ukupni budžet Programa za period 2014-2020 iznosi 14.000.000 EUR, dok je očekivano sufinansiranje korisnika 2.223.529,41 EUR.

Do sada je u okviru Programa, od njegovog osnivanja 2007. godine ugovoreno 62 projekata, ukupne vrijednosti od 19,50 miliona eura.

Pratite naš program i kreirajte

Zajedničke ideje za bolju budućnost!

www.srb-bih.org

www.euzatebe.rs/en/projects/cross-border-cooperation-programme-serbia-and-bosnia-and-herzegovina-2014-2020

www.facebook.com/ipa.cbc.srbbih

**Ovaj bilten je proizveden uz finansijsku podršku Evropske unije
Sadržaj biltena je isključiva odgovornost operativnih struktura
uključenih u implementaciju IPA Programa prekogranične saradnje
Srbija-Bosna i Hercegovina 2014-2020, te ni na koji način ne odražava
stavove Evropske unije.**